



Broj: 15-03-16-5-26-31/22

Datum: 26.5.2022. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav 1. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

O D L U K U **o izboru najpovoljnijeg ponuđača**

Član 1.

Najpovoljniji ponuđač u postupku javne nabavke **auto guma i potrošnog materijala**, objavljenom na *web* portalu Agencije za javne nabavke Bosne i Hercegovine, Obavještenjem o nabavci broj 1110-1-1-9-3-32/22 od 16.3.2022. godine, a koji je proveden otvorenim postupkom, je „**GUMA VP 200**“ **d.o.o. Mostar**.

Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom donošenja.

O b r a z l o ž e n j e

Nakon provedenih aktivnosti, Komisija za provođenje postupka javne nabavke auto guma i potrošnog materijala je konstatovala da je rok za prijem ponuda bio 14.4.2022. godine do 12:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle dvije (2) ponude i to ponuđača: „**GUMA VP 200**“ **D.O.O. Mostar** i „**UNITRADE**“ **D.O.O. Ljubuški**. Neblagovremenih ponuda nije bilo.

Komisija je prema specifikaciji navedenoj u Tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponuda, broj 15-03-16-5-26-28/22 od 25.5.2022. godine, u kojem su detaljno obrazloženi razlozi za izbor najpovoljnijeg ponuđača.

Zapisnički je utvrđeno da je u ponudi ponuđača GUMA VP 200 d.o.o. Mostar uočena računaska greška, te je ugovorni organ u skladu sa članom 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15) izvršio ispravku uočene računaska greške, koju je ovaj ponuđač prihvatio svojim aktom od 27.4.2022. godine.



Ugovorni organ je od ponuđača „GUMA VP 200“ d.o.o. Mostar zatražio i pojašnjenje zašto je cijena njegove ponude za više od 20% niža od cijene drugorangirane prihvatljive ponude, a u skladu sa tačkom 7.3 stav 5) pod b) Tenderske dokumentacije. Ponuđač „GUMA VP 200“ d.o.o. Mostar je dana 27.4.2022. godine dostavio svoje obrazloženje neprirodno niske cijene, a koje je prihvatila Komisija te njegovu ponudu ocijenila prihvatljivom za dalji postupak ocjenjivanja ponuda.

Daljom analizom zapisnički je utvrđeno da ponude oba ponuđača ispunjavaju zahtjeve u pogledu opisa predmeta nabavke, uslova za kvalifikaciju i tehničkih specifikacija, odnosno da su ponude kvalifikovane i prihvatljive u pogledu dokaza koje dostavljaju ponuđači, a dokumenti su dostavljeni na propisani način kako je to definisano Tenderskom dokumentacijom.

Analizom ponuda, u postupku sa kriterijumom najniža cijena, nakon provedene e-aukcije, Komisija je utvrdila da je ponuda ponuđača „**GUMA VP 200“ D.O.O. Mostar sa ukupnom cijenom od 26.779,04 KM bez PDV-a, odnosno od 31.331,48 KM sa PDV-om** najpovoljnija, te s obzirom da ista u ekonomskom i tehničkom smislu u zadovoljava zahtjeve ugovornog organa data je preporuka da se donese odluka o izboru najpovoljnijeg ponuđača.

Na osnovu prijedloga Komisije odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od deset (10) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X



DIREKTOR

Dr. sc. Arif Nanić

Signed by: RTBIC digitalno potpisano / digitally signed